



Inatsisartuni ilaasortaq
Jens Napätök

Nakorsiarnerit pillugit akissuteqaat

Apeqquteqaravit qujanaq.

1. Napparsimasuni kukkusumik suliarineqarsimasunik kiffartuunneqarsimasunillu Naalakkersuisut paasisutissaateqarpap?


Kukkusumik katsorsaanerit ataatsimoortillugit nalunaarsorneqarsimangillat. Peqqinnissaqarfiup sullissineranik maalaarutit Peqqinnissaqarfiup Qullersaqarfianit tiguneqartarlutillu suliarineqartarput. Sullissinermik maalaarutit ataatsimut taaguutaapput tamatumani pineqarsinnaallutik piffissaq utaqqiffiusumiit sulisut attaveqaqatigiinnerat pissusilersornerallu. 2018-imi Peqqinnissaqarfiup Qullersaqarfiata maannamut sullissinermik maalaarutit 50-it tiguisimavai.

2. Qanormita Naalakkersuisut sineriammi nakorsiarnerup pitsaanerpaamut inissinniarlugu pilersaaruteqarlutillu sulissuteqarniarpat?

Peqqinnissaqarfik sulisunut, inissarititaasunut aningaasaqarnermullu tunngatillugu aalajangersarneqartut iluanni pitsanngorsarniarpoq. Massakuugallartoq sulisussarsiornermi annertuumik unammianiarnartoqarpoq ineriartornermik unammilliisumik sulisunillu aalajangersimasunik tatisisumik. Massakkorpiaq pingaartumik sinerissami innuttaasunik sullissinermik pitsanngorsaanissamik aallussilluni sulisussarsiornermi suliniutinik pitsanngorsaanissaq sulissutigineqarpoq. Ilinniartitaanermut tunngatillugu suliniutit pillugit ilisimatitsissutigineqarsinnaavoq peqqissaanermi ikiortit nunaqarfimmilu peqqinnissaqarfimmi sulisut ilinniartitaanerannik naleqqussaaniarluni suliniutit ingerlanneqarmata.

Tamatuma saniatigut qarasaasiakkut nakorsiarititsisarnerit sinerissami innuttaasunik sullissinermik pitsaanerpaamik qulakkeerinninnissamut pingaaruteqarmata sumiiffinni ataasiukkaani sulisoqarnera naapertorlugu atorneqartarput.

Inuussiamersumik inuulluaqqusillunga


Doris J. Jensen

24-08-2018
Suliap nr. 2018-16911
All. nr. 8549131

Postboks 1160
Oqa.: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl